

Najava posjete ambasadora Kraljevine Švedske Federalnoj upravi za geodetske i imovinsko-pravne poslove

29.11.2016 14:53



Novoimenovani ambasador Kraljevine Švedske u Bosni i Hercegovini Anders Hagelberg posjetit će Federalnu upravu za geodetske i imovinsko-pravne poslove (Marka Marulića br. 2 - zgrada Uniprometa) 2. decembra 2016. godine. Cilj posjete je upoznavanje s trenutnim aktivnostima ove institucije, s posebnim akcentom na realizaciji projekta „Izgradnja kapaciteta za unapredjenje zemljišne administracije i procedura u BiH – CILAP“.

Ovaj projekt je od izuzetne važnosti za sektor zemljišne administracije u Bosni i Hercegovini, a finansira se sredstvima Vlade Kraljevine Švedske. Realizacija projekta je počela 2013. godine i trajat će do 2019. godine. Za potrebe realizacije projekta Vlada Kraljevine Švedske izdvojiti će oko 6 miliona eura. Bitno je istaknuti aktivnosti u vezi s uspostavljanjem adresnog registra, procjenom vrijednosti nekretnina, gravimetrijskim mjeranjima, digitalnim arhivom, edukacijom. Konačni cilj projekta je izgradnja kapaciteta entitetskih uprava za geodetske i imovinskopravne poslove, prijenos znanja, povećavanje učinkovitosti i pouzdanosti procesa zemljišne administracije u Bosni i Hercegovini, a navedeno bi trebalo doprinijeti bržem i efikasnijem ekonomskom i društvenom razvitku, održivom tržištu, korištenjem nekretnina, kao i pristupanju Bosne i Hercegovine Evropskoj uniji u konačnici.

Sastanak u prostorijama Federalne uprave za geodetske i imovinsko-pravne poslove će započeti u 10.00 sati, u 11.00 sati je planirana konferencija za medije, na kojoj će ambasador Kraljevine Švedske Anders Hagelberg i direktor Federalne uprave za geodetske i imovinsko-pravne poslove Željko Obradović dati izjave i odgovarati na pitanja novinara.

